



Publicaziuns dalla vischnaunca, jamna 23

Vischinadi d'Acletta

Grillada da cuminonza ils 11-6-2017 sur Mumpé Medel

Invit a tuttas convischinas e tuts convischins d'Acletta a nies di da cumpignia cumbinau cun ina grillada. Nus sentupein al liug dalla grillada sur Mumpé Medel naven dallas 11.30. Per bubrondas vegn ei organisau e vegnan offeridas dil vischinadi. Per il da magliar ei mintgin sez responsabels. La carta da carrar sa vegnir retratga dalla suprastonza dil vischinadi per ina bunamana en favur dil vischinadi. Da malaura ha l'occurrentza liug el vitg da Mumpé Medel el baghetg dall'uniun da scursalar e spassegiar. Bugen retschevin nus Vossa annunzia sut la numera 079 623 22 39 ni per e-mail meinradmais-sen@bluewin.ch entochen sonda, ils 10-6-2017. Nus selegrein sin Vossa viseta e sin in beinstar da legherment.

Cordialmein envida la suprastonza dil vischinadi d'Acletta

La suprastonza

Administraziun communal

Sur Sontgilcrest ei l'administraziun communal serrada naven da mesjamna, ils 14 da zercladur 2017, allas 17.00 entochen venderdis, ils 16 da zercladur 2017, allas 9.00.

Administraziun communal

Tschuffernada dall'aua cun rufids

Dacuort han las autoritads communalas stuiu far persenn ch'ei vegn dismiss rufids da different gener en flums, dutgs ed uals.

Sebasond sin art. 13 dalla lescha davart igl allontanament e la purificaziun dallas auas eis ei scumandau da dismetter ellas auas rumien, rufids cumpacts e liquids che stuessen vegnir dismiss ad outra moda. Il scamond vala specialmein era per substanzias toxicas ed infectusas sco era ulteriuras substanzias nuscheivlas. Tenor art. 28 al. 1 dalla lescha davart l'economisaziun dils rufids ein proprietaris d'animals obligai da dismetter cadavers en maniera buca nuscheivla, risguardond las corrispundentas prescripziuns federalas e cantunalas. A basa digl art. 29 al. 1 dalla lescha davart l'economisaziun dils rufids ein cadavers cun ina peisa da meins che 70 kg sco era restonzas da mezca da deponer el local da rimnada sper la serenera a Raveras.

Tier las restonzas ch'ei vegnidas constatadas setracta ei da vanzadiras organicas che astgan buca vegnir dismissas ell'aua. Biars dutgs surveschan era per buentar animals. Consequentamein ei la tratga d'animals avisada ad aua schubra buca contaminada cun rufids e restonzas organicas. En quei connex supplichein nus da ladar e puschnar il terren taluisa, che la grascha resp. la puschna vegn buca menada ell'aua, sinaquei ch'ils animals situai pli bass hagien era caschun da beiber aua schubra. Pil mument vegn desistiu d'instradar ina procedura penala cun ina tgisa enviars nunenconuscent. Nus advertin denton tuts cultivaturs da terren ed elevaturs d'animals per liung da flums, dutgs ed uals sco era tuttas vischinas e tuts vischins da desister el futur da dismetter restonzas da tut gener ell'aua. Aschinavon ch'ei duess vegnir dismiss vinavon restonzas ell'aua, ein las instanzas cantunalas e communalas obligadas d'instradar las proceduras necessarias.

Nus graziein per la collaboraziun e capientscha en favur dil manteniment da nies bi ambient.

Suprastonza communal

Niev post da cussegliazion dalla Alzheimer a Mustér

Avertura dil post da cussegliazion cun il referat da dr. Raimund Klesse «Gut leben mit Demenz», presentaziun dall'Associaziun Alzheimer Grischun e silsuenter in pign apéro.



Venderdis, ils 16 da zercladur, allas 19.30 Puntreis Center da sanadad SA a Mustér.
Tuts interessai ein cordialmein envidai dalla

*Puntreis Center da sanadad SA
e dall'Associaziun Alzheimer Grischun.*

Onn da scola 2017/18

Preziai geniturs, cars affons

Ils uraris da scola ed igl urari dils transports pil proxim onn da scola 2017/18 ein d'anflar naven d'immediat sin www.scoladisentis.ch. Jeu supplicheschel tutAs solarAs da Segnas da s'annunziar cun ina foto da portret silla staziun da Mustér pigl abonnamment dalla MGB. Nus engraziein a Vus cordialmein per la buna collaboraziun duront igl onn da scola che va alla fin e giavischein bialas vacanzas da stad.

Cordials salids e sin bien seveser

nossa scola populara Mustér

RhB-Direktor Renato Fasciati im Disentiser Klosterforum

Am **Freitag, 9. Juni 2017**, um 20.30 Uhr spricht im Peter-Kaiser-Saal der neue RhB-Direktor, Dr. Renato Fasciati, über das Thema **RhB – mit Tradition und Innovation in die Zukunft**.

Die Rhätische Bahn ist seit ihrer Gründung im Jahr 1889 ein leistungsstarkes Unternehmen im Freizeit-, Pendler- und Güterverkehr. Herzliche Einladung

Kloster Disentis, P. Urban Affentranger

Café da sentupada/Begegnungscafé

Dienstag, 20. Juni 2017, 17–19 Uhr im Gemeindezentrum Aua Viva Disentis.
Begegnung und Gespräch mit Asylsuchenden aus dem TRZ Bellavista.

Evang.-Ref. Kirchgemeinde der Cadi

Biblioteca populara Disentis/Mustér e contuorn

Oz en la biblioteca

Praulas e historias cun Mats, la miur

Has ti plascher da vegnir en biblioteca e tedlar praulas e historias? Naturalmein astgas ti era prender cun tei tia mumma ni in'otra persuna.

Mats, la miur e nus dalla biblioteca raquitein a ti ina praula ord in cudisch da nossa valischa da surpresas, e quei mintga secund venderdis dil meins dallas 14.30 tochen ca. allas 15.30. Nus selegrein zun fetg sin tei. Tgisà, forsa anflein nus mintgatun aunc enzatgei auter che mo cudischs en nossa valischa da surpresas? Cun ils pli cars salids e sin seveser tochen gleiti.

*Mats, la miur ed il team dalla biblioteca populara
Disentis/Mustér e contuorn*



Corporaziun manteniment da vias Mumpé-Medel

Radunonza generala **venderdis, ils 9-6-2017** allas 20.15 el local dall'uniun da scursalar Mumpé-Medel.

Cordialmein envida la suprastonza.
